




Centimetres
TIFFEN Color Control Patches
© The Tiffen Company, 2007



讀史方輿紀要卷二十九

崑山顧祖禹景范著
南昌彭元瑞去楮校定

江南十一

徐州

東至淮安府邳州百八十里西南至鳳陽府壽州四百八十里西至河南歸德府五百十里北至山東兗州府三百六十里自州治至江寧府一千里至京師二千里


禹貢徐州之域古大彭氏國也春秋戰國屬宋後屬

楚秦屬泗水郡項羽自立為西楚霸王都此孟康曰陳為西

楚江陵為南楚此為東楚項羽改為西楚而以吳為東楚漢為楚國地節元年改

為彭城郡尋復故後漢亦為楚國章帝改為彭城國

晉因之仍立徐州以為重鎮東晉初徐州陷沒元帝僑置徐州於淮南又置



紀要

勇之陸

南徐州於江南其後移改不恒太元九年復置徐州於此義熙七年又改為北徐州今詳見州域形勢

宋亦為徐州及彭城沛二郡泰始中沒於後魏亦置

徐州及彭城郡後魏置東南道大行臺於此東魏及高齊因之後周改置總管府隋

初廢郡煬帝廢州仍曰彭城郡唐復為徐州天寶初

亦曰彭城郡乾元初復為徐州貞元十六年建武寧

軍咸通十一年改為感化軍石晉時復曰武寧軍宋

仍為徐州亦曰彭城郡武寧軍節度金因之元亦曰徐州屬歸德

府至正八年升徐州路十二年改曰武安州明初復

曰徐州隸鳳陽府尋直隸京師編戶一領縣四今仍

曰徐州

州岡巒環合汴泗交流北走齊魯西通梁宋自昔要

害地也後漢建安末孫權欲取徐州呂蒙曰徐州地

勢陸通驍騎所騁今日取之操後旬必來爭蓋其地

為許洛襟要蒙以車騎非步兵所能敵江南之力是

時未可以爭中原也及晉人南渡彭城之得失輒關

南北之盛衰太元九年時河南城堡多附於晉謝元

欲使朱序屯梁國自屯彭城以北固河上西援洛陽

朝議不允既而黎陽以南遂至騷動隆安二年後魏

取後燕之滑臺慕容德與諸臣韓範等謀先據一方

以立基本張華曰彭城楚之舊都可攻而據之潘聰

讀史方輿

卷二十九

江南十一

二

政文閣

曰彭城土曠人稀平坦無限且晉之舊鎮未易可取
 又密邇江淮夏秋多水乘舟而戰者吳之所長我之
 所短也不如取廣固而據之蓋是時慕容德之勢不
 能取彭城彭城為晉必爭之地雖取之而不能保較
 之曹魏有王睿懸絕之分也宋王元謨曰彭城要兼
 水陸其地南屆大淮左右清汴表裏京甸捍接邊境
 城隍峻整禁衛周固又自淮以西襄陽以東經塗三
 千達於濟岱六州之人三十萬戶常得安全實繇此
 鎮及彭城沒於後魏而淮泗日以多事魏尉元曰彭
 城宋之要藩不有重兵積粟則不可固守若資儲既

廣則宋人必不敢窺淮北薛虎子曰國家欲取江東
 先須積穀彭城徐州良田十萬餘頃水陸肥沃清汴
 通流足以溉灌興置屯田資糧易積非直戍卒豐飽
 亦有吞敵之勢也陳顧野王曰彭城險固繇來非攻
 所能拔且其地形都要不特捍蔽南國為必爭之地
 而自昔東南用兵莫不繇此以臨諸夏矣唐李泌曰
 江淮漕運以甬橋為咽喉見宿州是時在徐州境內若失徐州是
 失江淮也國用何從而致宜急建重鎮於徐州使運
 路常通則江淮安矣事在貞元四年宋陳無已曰彭城之地
 南守則畧河南山東北守則瞰淮泗故於兵家為攻

守要地蘇軾曰徐州為南北襟要京東諸郡邑安危所寄也其地三面被山獨其西平川數百里西走梁宋使楚人開關延敵真若從屋上建瓴水也土宜菽麥一熟可資數歲其城三面阻水樓堞之下以汴泗為池惟南面可通車馬而戲馬臺在焉其高十仞廣袤百步若用武之世屯千人其上築戰守之具與城相表裏而積三千糧於城中雖用十萬人不能取也唐庚曰魏太武以百萬眾觀兵瓜步卒盟而還不復議渡江元英以大眾困於堅城之下不敢舍而深入慮彭城合肥之議其後也胡三省曰彭城密邇兗豫

南北朝時魏人南寇水行則自清入泗陸行則歷城瑕丘皆轉彭城故王元謨以為要兼水陸也自勝國以來益為資儲重地經營天下豈可以彭城為後圖哉

彭城廢縣

今州治世本堯封彭祖於彭城號大彭氏國於此國語大彭為商伯是也春秋為宋

地成十八年楚伐宋拔之以納魚石襄元年諸侯之師救宋圍彭城彭城降晉史記楚共王拔宋彭城以封宋左師魚石四年諸侯共誅魚石而歸彭城於宋又韓世家文侯二年伐宋至彭城執宋君秦置彭城縣屬泗水郡始皇二十八年自琅邪還過彭城欲出周鼎泗水郡始皇二十八年自琅邪還楚王軍彭城東既而楚懷王都此史記沛公項羽為東項羽軍彭城西沛公軍碭是也及項羽自立為西楚霸王亦都此漢三年漢王入彭城項王西從

蕭晨擊漢東至彭城大破漢軍漢六年為楚國治
 後漢為彭城國治初平中陶謙為徐州牧曹操擊
 謙敗之於彭城建安三年操擊呂布於下邳屠彭
 城晉為徐州治大寧中沒於石勒永嘉三年復歸
 於晉太元三年沒於苻堅九年謝元取之義熙七
 年分為北徐州元熙初劉裕使劉懷慎為北徐州
 刺史鎮彭城宋仍為徐州治泰始三年陷於後魏
 魏亦建為重鎮梁普通六年魏徐州刺史元法僧
 以州附梁梁使其子豫章王綜鎮之綜仍以州叛
 入魏魏大初遣元慶和攻東魏城父高歡分遣侯
 景趨彭城禦之中大二年侯景以河南州鎮來
 附詔蕭淵明等攻彭城為景援敗還陳大建七年
 吳明徹攻齊彭城不克九年因周人滅齊復命明
 徹攻彭城為周將王軌所敗隋唐以後州郡皆治
 彭城縣元省縣入州城邑效州外城楚元王支所
 築城內有金城又東北有小城相傳劉裕所築壘
 石高四丈列塹環之小城西又有一城義熙十四
 年汴水溢城壞乃更築之城西有小市門即宋元
 嘉末魏主肅南侵遣李孝伯至小市門與張暢庶
 對處也志云今城東北八十里有彭城故縣地據

勢之隆

山阜去河甚遠或以為漢縣蓋治此又州南五里
 有武安廢城元至正十三年芝蘇李據徐州脫脫
 擊平之改徐州為武安州移治於此其後河流溢
 决州城數毀明嘉靖中水壞州城乃復改築環堤
 為固周九里天啟四年河决颶山隄城東南隅衝
 裂明年移築州城於雲龍山東去舊城二里今城
 周九里有奇門四

呂城

州東五十里春秋時宋邑襄元年晉以諸侯之

師伐鄭楚子辛救鄭後宋呂留杜預曰彭城郡
 之呂城留城也漢為呂縣屬楚國後漢及晉皆屬
 彭城國宋屬彭城郡後魏因之隋廢志云呂城臨
 泗水高百四十尺周十七里城東二里又有三城
 一在水南一在水北一在積石為梁故稱呂梁今
 以防陳者又泗水至呂城積石為梁故稱呂梁今
 呂城東十里呂梁洪上有二城一曰雲夢一曰梁
 王土人謂雲夢即韓信梁王即彭越又洪西岸有
 尉遲城唐尉遲敬德督徐州嘗鑿呂梁洪因築此
 城今呂梁城中河分司馬焉○呂布城在州東南
 八十五里相傳布與曹操相拒時築城上有戰臺

南陽平城

在州西五代志劉宋僑置陽平郡於沛郡南陽平郡以別相州之陽平郡也後徙郡寄治彭城梁普通六年將軍王希肅拔魏南陽平郡後周始併入彭城郡○濮陽廢縣在州西北五十里亦劉宋時僑置縣屬陽平郡後魏因之後周廢寰宇記作舞陽城誤也

垞城

在州北三十里面臨泗水竟州人謂實中城曰垞蓋南北朝時戍守處也今謂之茶城為運道所經明嘉靖末黃河北徙城遂為漕黃交會之衝後河口東移茶城為內險志云今州南二里有古迷劉城州西北百里又有灰城又二

雲龍山

城西二里今為州治志云山出雲氣蜿蜒如龍因名其東南嶺有大石佛俗因謂之石佛山述征記彭城南二里即石佛山頂方二丈二尺唐景福二年朱全忠遣子友裕擊時溥於徐州克帥朱瑾赴救汴軍敗徐竟兵於石佛山下既而汴將龐師古復攻石佛山寨拔之徐兵自是不敢出

一統志州東北三里又有彭城山○定國山在舊城東四里梁中大同二年遣貞陽侯淵明伐東魏進攻彭城營於此為魏將慕容紹宗所敗

九嶷山

州北五里其山自東而西綿亘五里俗謂之徐州亦嘗伏兵於此一各象山以山西一峯如蹲象也又雞鳴山在州東北十三里相傳即張良計散楚兵處

寒山

州東南十八里晉大興二年彭城內史周撫叛中大同二年命蕭淵明堰泗水於寒山以灌彭城淵明軍寒山距彭城十八里使長史羊侃斷流立堰再旬而成侃勸淵明乘水勢攻城不聽尋敗沒魏收志彭城縣有寒山是也又三山在州東南二

十里上三峯其下為三山隄明萬歷十四年大河嘗決於此○桓山在州東北二十七里下臨泗水桓應葬於此○因各一名武原山在州南六十里以徐偃王曾至此而各一名武原山在州南

赭土山

州西二十里禹貢徐州厥貢惟土五色漢郊

縣今見邳州境也山有楚元王冢遂各楚王山一名同孝山○任

必度唯木踰任山為往來通道唐咸通九年龐勛

呂梁山

州東南六十里其下即呂梁洪也又東南曰

曰峯山皆與呂梁山相望○境山在州北四十里相

盤馬山

州東北九十里相傳漢高嘗盤馬於此山產

鐵河元人置利國監橋於其上又有銅山在州東

山下有武原故

縣今見邳州境

也山有楚元王冢遂各楚

必度唯木踰任山為往來

曰峯山皆與呂梁山相望

傳徐之封境盡於此山因

鐵河元人置利國監橋於

北八十里舊嘗產銅也志

黃河

州東北入河合泗水今州東南七十里有房村

口在大河南岸往往急漕防雜最切而州東郭家

城魁山堤尤為要害詳見川瀆異同○泮水舊在

其後大河決嘴遂奪泮渠故道為經流矣州志泗

泗水

在州城東北自沛縣流入境循城北又東南入

東下混為一流也今詳見河南大川泮水

之流而泗皆為河矣志云泗水至州北亦謂之鼎
 伏昔周顯王時九鼎淪沒於泗水秦始皇遣數千
 人沒水求之不獲朝此處也梁普通八年遣將成
 景嵩攻魏彭城欲堰泗水灌城魏徐州刺史崔孝
 芬等擊却之既而蕭淵明及陳吳明徹等皆堰泗
 水以攻城卒不能拔今亦曰漕河亦曰泉河其河
 漕相合之處有鎮口開又北為古洪內華等閘蓋
 一以制黃河之淤澱一以時黃河之消長歲漕恃
 此為咽喉也今詳見大

川清河及川濱漕河

睢水

州南六十里自蕭縣流大界又東與鳳陽府宿
 州接界即項羽擊漢軍處也唐咸通九年叛卒
 龐勛等自宿州而北渡睢水踰任山趨彭城陷之
 今詳見大川○穀水亦在州南圖經睢水自穀熟
 而支分其東出者曰穀水又東北合於泗水故有
 穀泗之稱漢三年率諸侯兵入彭城項羽還擊漢
 軍漢軍破走相隨入穀泗水死者十餘萬人自隋
 以後穀水埋絕水經注穀水即睢水之支流也胡
 氏曰睢水經穀熟而兩分其南出者曰
 斷水二水所在支分通兼穀水之稱

百步洪

州城東南二里泗水所經也水中若有限石
 懸流迅急亂石激濤凡數里始靜一各徐州
 洪或曰洪有亂石峭立凡百餘步故曰百步洪形
 如川字中分三道中曰中洪西曰外洪東曰月河
 亦曰裏洪俗傳唐尉遲敬德經畧徐州鑿徐州呂
 梁二洪以通水道宋元祐中亦嘗修鑿置月河石
 隄及上下開明永樂中陳瑄復鑿之亦於洪口置
 閘既以運艘損壞凡再鑿之嘉靖二十年管河王
 事陳穆復鑿百步洪遂
 成安流舊有閘今廢

呂梁洪

州東南六十里有上下二洪相距凡七里巨
 石齒列波流洶洶子稱孔子觀於呂梁懸
 水三十仞流沫四十里水經注泗水自彭城東南
 過呂縣南水上石梁謂之呂梁晉太元九年謝
 元克苻堅進平竟州患水道險漕糧運艱阻用督
 護聞人爽謀堰呂梁水植柵立七埭為派擡上岸
 之流以利漕運公私稱便遂進伐青州時謂之青
 州派宋泰始二年徐州刺史薛安都彭城降魏
 宋將張永沈攸之等討之進攻彭城不克而還會
 大雪泗水冰合永等乘船步走魏將尉元與薛安
 大

都前後邀擊大破永等於呂梁之東梁太清初蕭
 弄璋攻東魏積泉呂梁二戍拔之魏收志呂縣有
 呂梁城積泉蓋在呂梁之東陳大建七年吳明徹
 攻彭城大破齊軍數萬於呂梁十年明徹伐周進
 屯呂梁周徐州總管梁士彥拒戰為明徹所敗進
 圍彭城環列舟艦於城下堰泗水以灌城周遣王
 軌馳救募射上夜決堰至明陳人始覺遂潰還蓋
 呂梁自晉宋間有之或謂唐武德中尉遲敬德開
 此洪假龍門呂梁以狀此水之險僕矣龍紀初朱
 全忠將龐師古攻時溥於徐州拔宿預軍於呂梁
 溥逆戰大敗退保彭城光化二年揚行密討朱全
 忠進攻彭城軍於呂梁不克而還宋元祐四年京
 東轉運使言清河與江浙淮南諸路相通因呂梁
 百步兩洪湍淺險惡商賈不行乞度地勢穿鑿開
 修月河石堤上下置閘以時破閉通放舟船從之
 明初傳交德奉命守徐州未至元擴廓遣兵來寇
 屯州東陵子村友德引舟泝流至呂梁捨舟登陸
 擊劫之宣德初以漕舟艱阻陳瑄議於舊河西岸
 鑿渠深二尺濶五丈夏秋有水可以行舟七年復
 鑿渠合深并置石閘以節水既而湍險如故嘉靖

二十三年管河至事陳洪範復鑿呂梁洪平之白
 是運道益便舊有上下二閘今廢又呂梁巡司亦
 置於此

雁麥湖

州西南四十里其相連者曰張塘湖馬溝陂
 接蕭錫境冬春則為平原夏秋滙為巨浸又

狼矢溝

州東二十里又東十五里有磨臍溝舊時黃
 水暴漲從此溢入東通邳州西北境之赤龍潭

合及

蠓蛤諸湖至宿遷北境落馬湖出董陳二溝復
 於大河明嘉靖中大河自狼矢溝東之赤欄村

讀史方輿

卷二十九 江南十一 九 文之司
 東南三十里志云州東北二十里殺李溝在州
 間以蓄泄之自是衝決之患少殺李溝在州
 數丈其東有塔山西有長山乃建濠水石壩於中
 白等溝俱洩東北諸山水經辛賈山入鷺兒湖復

分流出李家溝合於大河又北漕溝在州北六十里又南十里為南漕溝州西北三十里又有大彭河決溢處通淤不時今詳具

七里溝

在州西北唐建中二年淄青叛帥李納以李臣救洧敗温於七里溝或曰温攻之朔方將唐朝山溝在州東北二十里源出州東北五十里之馬跑泉西南至境山鎮又南入於漕河境山之北又有池洪溝南流至州東北三十里明嘉靖四十四年黃河決溢於此今淤又新挑溝在州東北八十里州東北九十里有運鐵河宋所鑿也嘉靖中復有九里溝南通蕭縣之姬村湖徐陘口歷符離橋入水固湖及土形湖循宿州西境徐陘口歷符離橋及靈璧縣之孟山雖寧縣之高作鎮直至宿遷縣小河口約五百餘里向通舟楫萬歷中議疏此以寬州境水患不果

安王陂

在州西宋元嘉二十八年魏至熹南侵北還陂在州西口萬餘夜宿安王陂法城數十里江夏

王義恭不敢擊創此○牛角灣在州北茶城下明萬歷初運河經此既而運河蘇茶城東南十里鎮口開合黃河舊河遂淤議者以其地不曠河易泛溢因築壩以防之謂之舊河壩又東冷泉在州北八十里南流經州東北二十里之秦梁洪又西流三四里為烏嘴溝入沛縣界志云溝在州西北二十里今淤

利國監

州東北九十里盤馬山下漢元封初從衆宏廢宋為利國監樂史云監本狄邱治務也漢屬沛縣界今置利國監驛於此又寶豐監在州東宋元豐六年置鑄錢於此八年廢○廣運倉在舊城南三里永樂十二年建今圯於水

東鎮

州西四十里亦曰安民鎮又州東南五十里曰房村驛州北九十里曰夾溝驛水驛也州城南二里曰彭城驛州南五十里曰桃山驛州東北四里曰石山驛州城外曰黃河東岸驛與利國驛皆為陸路所經

高家戍

在州西水經注同孝山陰有楚元王冢高十

惠紹等攻魏彭城圍高冢戍為魏將奚康生所敗

或曰即亞夫冢也寰宇記范增墓在州城南宋元

嘉二二年魏主蕭南侵至彭城登亞夫山以望

宋泰始二年薛安都彭城降魏詔張永攻之軍

於下碣即此又州境有胡村寨八里等砦金興定

二年紅襖賊攻徐州之胡村寨

元光初又襲十八里寨即此

戲馬臺在州城南高十仞廣數百步項羽所築劉裕

至蕭南寇至彭城大會軍士於此宋元嘉二十七年魏

普通六年蕭綜守彭城密降於戲馬臺魏遣使鹿愈人

城將還成景雋送之戲馬臺北望城塹謂愈曰險

固如此豈魏所能取蓋未知綜也蘇軾以此臺

為城南之重蔽今為臺頭寺有故塔在焉○大彭

館在州西南唐時郵傳所經亦為迎餞之地以古

大彭國為各咸通九年龐勛作亂

殺觀察使崔彥曾於大彭館郎此

萬會橋舊城東北三里跨泗水上以鐵索維舟為之

北隅有雲集橋大河經其下合於

泗水亦維舟為之俗名小浮橋

蕭縣南永城縣百八十里南至宿州百五十里西南至河

縣漢屬沛郡更始初封光武為蕭王即此後還屬沛

國晉因之宋為郡治魏因之後齊改為承高縣屬彭

城郡隋屬徐州開皇六年改曰龍城縣十八年改曰

臨沛縣大業初復為蕭縣唐仍屬徐州宋因之皆治

故蕭城明萬曆五年避河患

始遷今治編戶四十三里

蕭城在縣西北十里古蕭國春秋時為宋附庸蕭叔

讀史方輿

卷二十九 江南十一 文二 月

蕭縣

游羣

蕭晨

嘉二

王駿

蕭縣

還收

蕭晨

嘉二

王駿

蕭縣

治蕭縣黃陽城或謂之北城城邑攷北城方九里南去蕭城二十里相傳蕭子避暑處也其南城即故蕭國城北征記蕭城周十四里南臨沐今城方九里三十步東南遠城有隍西北無隍唐時縣治北城自宋以來治南城明亦為蕭縣治城周僅四里萬歷五年圯於水乃遷治於三臺山南麓即今治也

村秋城

在縣西七十五里漢縣屬梁國光武封劉殷為侯邑後漢省○永固城在縣東南四十里永固

城在縣西南六十五里漢縣屬沛郡宣帝封韋賢於此尋省今為永固鎮

龍城

縣東三十里水經謂之歷龍城隋因以龍城名縣又曹馬城在縣西北七十里相傳曹操嘗盤

馬其中因各中有古塔○厥城在縣北魏收志相縣有厥城或謂之厥固梁大通中蘭欽拔魏蕭城厥固是也

三台山

在今城北城東里許有龍嶺山西一里曰嶺在舊縣東二十里其相接者曰小蒙山里仁山與

州境楚王山相接又大方山在舊縣東南二十里其相連者又有小方山亦與州接壤

丁公山

今縣南十五里相傳楚將丁公追漢王於此

十里劉裕為緩輿里村又緩輿山在今縣東北二里在今縣南三十里東接蕉山以名也○浮緩山在今縣南三十里東接蕉山以名也○浮緩

永固山

宇記縣南四十里下有永固鎮及永固湖

陰有黑塢約三畝許夏秋積雨其中梁人衣即成黑塢約三畝許夏秋積雨其中梁人

黃河

在縣北志以為即沐河故道也自河南永城縣

東五里為趙家圈又東十里至拖繩橋又東十里至東鎮渡又東二十里至曲里渡又東五里至朱

珊渡又東十二里至舊縣北三里之冀門渡又東
 三里至兩河口與山西湖之委流合以達州境宋
 紹聖中汴水衝決縣合馬徽里復開南伏道口北鐵
 患元大德間縣令朱其後大清河決秦溝自新挑溝為大
 孔二渠以洩水其後大清河決秦溝自新挑溝為大
 河經流明嘉靖二十七年河決秦溝自新挑溝為大
 至朱珊渡一帶俱淤惟冀門渡以東尚存舊流其
 後潰決不時河去縣蓋遠萬歷三十四年始復舊
 道詳見川瀆

睢水

睢水在縣南五十里自河南永城縣流入境又東人
 浮緩諸湖北經舊縣治南匯於東北三里之兩河
 口而合大河又有淇河在今縣西五十里東北流
 經楊家集又經舊縣西

山西湖

山西湖在今縣西南十二里又南接於永固湖湖在
 南曰土形湖又南合於睢水○姬村湖在縣東十
 五里又東五里曰姬村泊明萬歷中議引運艘自

英州泊

英州泊傳昔置州於此又西北五里為黑沙廢縣即
 故英州附郭縣也元末其地為水所比遂成平陸
 今俗呼為雁門泊○朱珊泊在縣西十里即朱珊
 渡也又白米堰在縣東南三十里源出縣東
 南五十里白米山下導流西北為灌慨之利

鴻溝

鴻溝在舊縣西北四十里西曰慶溝東北入里曰白羊溝
 溝東南五里曰黃柏溝西曰六里曰白鹿樓
 渠溝皆水患時導流分洩處也今埋廢

鄭陂

鄭陂在縣西北曹魏黃初中鄭渾為沛郡太守界下
 開稻田郡人不以為便渾曰地勢跨下宜溉灌終
 有魚稻經久之利此豐民之本也陂成民賴其利
 號曰鄭陂今堙

曲里館

在舊縣西北三十五里志云黃河自河南虞城

達縣北冀門集出徐州小浮橋所謂賈魯故

河也亦謂之趙渠明嘉靖末始北徙萬歷初河臣

潘季馴議復故道不果二十六年河決山東單縣

黃埔口稍復成渠惟曲里館至三僊臺四十里如

故河臣劉東星欲浚之又議開支河自三僊臺至

小浮橋又不果至二十四年大河

復經曲里館而東今有曲里渡

紅亭在今縣西北村預曰蕭西有紅亭昭八年大蒐

於紅即此亭也紅與宋近而去魯甚遠或以為

魯之邊邑云○趙家園在今縣西六十里有趙家

園渡大河津要處也嘉靖四十四年大河餘此衝

决豐沛皆受其患

有趙家園巡司

沛縣州西北百四十里東至山東滕縣九十里西北至

水郡治漢高初起於此改泗水郡為沛郡移郡治相

沛縣屬焉時謂之小沛呂后封呂種為沛侯邑於此

後漢亦為沛縣仍屬沛國晉因之宋屬沛郡後魏因

之隋屬徐州大業初屬彭城郡唐仍屬徐州宋因之

金初屬邳州後屬滕州元初移滕州治此州尋廢尋

省縣入豐縣至元二年復置沛縣屬濟寧府十三年

屬濟州明初改今屬舊城

周二里編戶三十六里

沛故城在縣治東南微山下山無石崖然一土岡耳

表先王為豫州刺史屯小沛建安初呂布奪徐州

先王仍屯小沛三年布遣兵拔沛城四年先王取

徐州復屯小沛為曹操所敗自是沛縣皆兼小沛

之名蕭齊建武三年魏至宏如小沛是也志云漢

沛縣城在今縣西北又為小王城元至正十七年

孔士亨等據其地因築此城今圯縣東又有泗水

城相傳秦泗

水郡治此

雷城縣東南五十里故宋邑秦置縣二世元年秦嘉

立景駒為楚王在雷沛父乃往從之欲請兵以

雷城

攻豐又張良遇漢高於此因封雷侯尋亦為雷縣

屬楚國後漢屬彭城國晉因之大元三年苻秦將

彭超攻彭城置輪重於雷城謝元赴救揚聲遣軍

向雷城超等乃釋彭城之圍還保輪重宋仍屬彭

讀史方輿卷二十九江南十一

文二

城郡元嘉二十七年魏主燾南侵拓跋建自清西進屯蕭城步尼公自清東進屯留城泰始中沒於魏亦屬彭城郡後齊廢隋復置屬徐州唐廢今為運道所經城北十三里有馬家橋開新河所經也

廣戚城

縣東北四十里漢縣屬沛郡武帝封魯共王王子勛為廣戚侯後漢屬彭城國晉因之後省志云縣西北二十里有灌城相傳漢將灌嬰所築又泗河東岸有舊城俗以為張士誠所築

湖陵城

縣北五十里與山東魚亭縣接界故宋邑秦嘉軍軍湖陵又沛公攻湖陵下之漢二年東伐楚入彭城項羽釋伐齊還救從魯出湖陵是也尋亦曰湖陵縣屬山陽郡王莽時改曰湖陵後漢建武二年恭延破劉永將佼疆周建等於沛西永等走保湖陵東觀記時蘇茂殺淮陽太守得其郡營廣樂大司馬吳漢圍茂將精兵突至湖陸與劉永會即此尋復曰湖陵建武五年幸沛進幸湖陸是也章帝封東平王蒼子為侯邑仍改曰湖陸晉屬

高平國東晉太和四年桓溫伐燕置兗州於此宋永初三年魏拔之既而苻堅滅燕置兗州於此宋永初三年魏人南寇徐州刺史王仲德將兵屯湖陸既而兗州刺史鄭順之戍守於此又元嘉八年到彥之恢復河南自東平乘師南走兗州刺史竺靈秀棄須昌犇湖陸魏將叔孫建攻之靈秀大敗既而建還屯范城孝建元年兗州刺史徐遺寶戍湖陸尋入魏并入高平今有湖陵城開南至廟道口十八里運河所經也廣樂見河南虞城縣

七山

縣西南三十里亦曰戚山縣之鎮山也其相近者曰青龍桂籍山高僅尋丈有飲馬池相傳鄼侯牧馬處志云縣無高山大陵平原曠野土田肥沃

葛墟嶺

縣東南九十里明志云嶺傍南北通衢南去徐州四十里馬家橋開微山赤山呂孟諸湖起至葛墟嶺下凡三十里為始功處也

黃河

入徐州界自豐縣流入縣界又東南接蕭縣境而

衝決而東縣被災最甚嘉靖四十四年河決蕭縣西趙家圈東北流平地河高七尺繇七山南二里東南入秦溝入泗河萬歷五年以後漸復故道

泗河

在縣城東自山東魚臺縣流經縣北又至城東西南流入州境卽今運河也舊有金溝口開在縣道嘉靖四十四年黃河決徙開河壅塞乃於雷城北創開新河以利漕西去舊河四十里自魚臺之南陽開至夏鎮抵雷城長百四十里自是遂爲運

渠

泡河

在縣城西其上流卽豐水也自山東單縣來經於泗亦曰苞水水經注苞水東逕豐縣故城南水上舊有梁謂之苞橋宋元嘉中魏將步尼公屯雷城與宋將稽元敬遇引兵趨苞橋欲渡清西沛縣民燒苞橋夜於林中擊鼓魏以爲宋兵大王爭涉苞水溺死者大半橋在今縣西河渠攷正德四年黃河泛溢西南接泡水出飛雲橋嘉靖四十四年

薛河

河於隆慶六年於泡泗交會處濬新渠十里接鴻溝河東北入支河繇雷城入運萬歷四年築護城堤截泡河舊道繇是泡河徙堤外仍東會於泗河

在縣東南十里出滕縣境西流合昭陽湖繇金溝口合於泗河明嘉靖四十四年開新河築石堤橫截其流南注微山呂孟諸湖○湖河在縣東北一名南沙河出滕縣述山流入昭陽湖又西南

合於薛水又有北沙河自山東魚臺縣流經縣界至縣東北五里之三河口合薛水經鴻溝入泗河自開新河後乃築三壩遏之西注尹滿二湖○鴻溝河在縣東十五里舊自滕縣界引昭陽湖入薛水後廢嘉靖末河臣朱衡開新河隆慶二年衡復以昭陽湖受黃河之水而趕牛溝復會鮎魚泉

及南陽減水開南出諸水胥注於湖溢則壞民田乃自湖東南開縣東二十里回墓支河上通昭陽湖湖陵城河口既而河臣翁大立奏開鴻溝廢渠自昭陽湖達鴻溝自鴻溝達李家口自李家口

達回墓東出雷城開河長六十餘里引水濟運并灌民田數千頃滕沛間利之袁氏云鴻溝在新

河西昭陽湖東舊引沙薛二水從此入舊河舊河
廢而此溝亦淤其半鴻溝開而新舊二河俱得宣
洩

粵文閣

昭陽湖

縣東北八里即山陽湖俗稱刁陽湖鄒滕二
薛水合自金溝口達泗明永樂中於湖口建石閘
東西二湖口建板閘成化中俱易石閘宏治中重
修以時蓄洩為漕渠之利嘉靖四十四年大河決
入運河漫入昭陽湖因改濬運渠出湖之東而湖
為河流散溢處矣○呂孟湖在縣東南四十里漕
河攷縣境有張莊呂孟微山赤山諸湖與昭陽湖
並為潞水濟漕之處

泥溝

在縣西北五十里自魚臺縣流入界經沙河鎮
西南而入於漕河亦曰泥溝河又辛莊河在縣
東北志云出滕縣西南五十里南流十里入昭陽
湖縣東北三十五里又有章公河明宏治間所濬
洩水河也○趕牛溝亦在縣東北出滕縣五花泉
至縣界三河口與沙薛二河合明嘉靖中開新河

夏鎮

縣東北四十里南去雷城四十里即新河所
經也有管界分司鎮馬明萬歷十六年築夏鎮
城三十二年開泖河起自夏鎮經徐州東北彭家
口迤於邳州東之直河口夏鎮中二百六十餘里
河之險者三百餘里又天啟中妖賊徐鴻儒作亂
攻夏鎮至彭家口掠頭阻絕運河官軍擊却之
志云分司舊駐南沽頭有沽頭城在縣東南十五
里嘉靖二十二年築四頭城於水隆慶二年
新河成始移駐夏鎮在新河西岸尋築
城為戍守處又西鎮在今縣東五十里

沙河鎮

縣西北六十里亦曰沙河鎮舊有沙河驛及
浦縣下之即此嘉靖四十五年移驛及遞運所於
魚臺之穀亭鎮今詳見魚臺縣○廟道口在縣西
北三十里舊為黃河衝決處明嘉靖中屢決屢於
萬歷中漸為平陸又劉家堤口在縣南三十里
讀史方輿卷二十九江南十一

齧桑亭

在縣西南徐廣曰梁與彭城間有齧桑謂此
地也戰國周顯王四十六年秦張儀及齊楚
之相會於齧桑漢武帝瓠子歌齧桑浮兮淮泗滿
及塞决口而梁楚無水災後漢初王梁擊倭疆蘇
茂於楚沛間拔

大梁齧桑是也

泗水亭

在城東南漢高為泗水亭長即此向設泗亭
驛明隆慶初移夏鎮拓地志沛縣東南二十
里有沛宮即漢高置泗水亭父老處歌風臺亦
在焉寰宇記云俱在沛縣沛東南泗水西岸

鷄鳴臺

在縣東北五里沙河北岸明正統中置
鷄鳴臺於此為運河所經嘉靖中廢志云鷄鳴臺
東有小河出滕縣之三里橋及七里溝泉西南流
百餘里至臺東入漕河初二泉漫流為澤止統六
年漕運參將湯節始開渠引入漕河置閘於河口
以積水既以濟運又變沮洳為良田今淤○射箭
臺在縣東南五里明成祖駐師時所築也又
有射戟臺在南門內西偏相傳呂布射戟處

飛雲橋

在城南泡水經其下入泗水為往來津要明
正德四年大河决於此入運河嘉靖八年决

豐縣

州西北百八十里西至山東單縣九十里西北至
山東金鄉縣百里秦沛縣之豐邑漢高沛豐邑中
陽里人也又高祖使雍齒守豐齒反為魏即此尋置
縣屬沛郡後漢屬沛國晉因之劉宋屬北濟陰郡後
魏因之隋屬徐州唐宋俱仍舊元屬濟寧路
明初復故今屬舊城圯於水編戶十七里

邀城

在縣西南二十里相傳漢高還鄉父老邀之於
此因名亦曰邀駕城又有偃王城在縣北五十
里相傳徐偃王所築

東華山

縣東南三十里亦曰華山亦曰小華山周十
一十一年復還舊治志云元時有華山巡司山北
有嵐山山東北又有墮山與嵐華相連○白駒山
在縣西南二十里地形高阜相傳漢高
大會父老於此歌白駒以畱賓因名

讀史方輿

卷二十九

江南十一

六

文

黃河

在縣南自碭山縣流入境明嘉靖四十四年黃
 河决溢其北股經華山南而東流入沛縣界縣
 西南有秦溝在河北岸於是導河入溝濟運萬歷
 六年築邵家壩以絕秦溝舊路又議於華山斜築
 大壩東至樓子集斷過秦溝濁河二口志云秦溝
 口亦曰邵家口其濁河在縣東南隆慶初黃河自
 秦溝衝决而南遂為濁河其後河復舊
 流秦溝濁河往往堤壑無復舊流矣
 豐水 在縣城北亦曰泡水自單縣流入境東入沛縣
 水經豐西澤謂之豐水水决故址僅存水經注泡
 水經豐西澤謂之豐水水决故址僅存水經注泡
 及平樂縣又東逕豐縣故城南又東合苞水漢高
 徒處也又有大澤在縣北六十里縣西二十里又
 有斬蛇溝俱
 漢高遺迹處

吳康鎮

在縣南唐文德初朱全忠欲置戍於楚州感
 將朱珍所敗今縣南有吳康鎮以遏之為全忠
 治東北亦曰秦臺相傳秦始皇東遊厭氣於此

粉榆社

縣東北十五里漢初舊里社也高祖初起兵
 征記宅在豐水西九十里魏收
 志云豐縣有漢高舊宅是也

碭山縣

州西百七十里西北至山東單縣九十里東南
 至河南永城縣百二十里秦置碭郡及碭縣二
 世二年沛公攻碭拔之漢改郡曰梁國碭屬焉晉
 省人下邑宋初復置後魏屬碭郡又分置安陽縣隋
 開皇十八年改安陽曰碭山縣屬宋州唐因之昭宗
 時置輝州以朱温出白碭山也尋徙州治單父縣屬
 焉五代唐時縣屬單州宋因之金屬歸德府後廢元
 復置屬濟寧路明初改今屬縣無城編戶十八里

碭縣故城

在今縣東三里故碭縣治唐宋以來因之
 元中復還舊治明嘉靖四十四年復還舊治舊有護
 城堤周九里門五萬歷二十四年復還舊治舊有護

麻城

縣東北二十里魏收志魏孝昌二年置安陽縣屬碭
 六年復於此魏收志魏孝昌二年置安陽縣屬碭
 城堤周九里門五萬歷二十四年復還舊治舊有護

郡縣治麻城卽此隋廢入碭山縣今爲麻城

碭山在縣東南七十里與河南永城縣接界其北八

氣巖卽漢高避難處唐咸通中官軍討叛卒龐勛

於徐州勦窮蹙自碭山西出龔宋州不能陷而還

或作石山嶼也又有戲山在碭山東碭山之西曰

狼牙山又南曰鐵角山○虞山在縣東南五十里

南去芒碭山十餘里金時

嘗遷縣治於山之南麓

黃河舊在縣南三十里卽元賈魯所開繇河南水城

又東出徐州小浮橋入泗明嘉靖二十八年河繇

縣北二十里戎家口出徐州茶城入漕萬歷初又

自縣西陳孟口分流遠縣之護城堤達毛城舖周

家口龍溝一帶出小浮橋今陳孟口漸淤每歲夏

秋有汜溢之虞志云護城堤首起虞城尾達蕭縣

延袤七十餘里隆慶中知縣王廷卿募民作堤以

防河患仍於河北築堤西起市力寨東至

秦溝通計四千五百八十八丈以障漕渠

睢水

在縣南五十里縣東南有徐溪口睢水繇永城

縣流經此又東南入蕭縣境嘉靖中自徐溪至

永城俱

夾河

縣西南五十里大河支分處也或曰卽大河之

別名元末劉福通等作亂自碭山夾河迎韓林

兒爲帝卽此○段莊河在縣西北四十里亦大河

支流也繇虞城縣流入境經縣西回岡集明嘉靖

二十四年沙淤城縣水漫流至雙溝集南一里匯流

成河又東三十里合桑葉河在縣東二十五里又陳

州而合大河志云桑葉河在縣東二十五里又陳

霜口河在縣西源自虞城縣史家皮家二口分爲

兩河繇鎮里壩二十里至縣境西南合流入陳霜

口河又南流十里至汪家口大河嘗衝決於此又

東復分爲二一衝縣之小南門一北流遶縣北門

昔時往往爲害嘉靖二十四年知縣王紹元於汪

家口築堤一道長七十四丈有奇又西爲月堤接

於高原沿堤上至鎮里壩下至高良相口爲順水

堤五十里以禦水患

龍扒溝

縣東南三十里舊通汴水明嘉靖三十八年

又二十里至西鎮澗過蕭縣境入胡澗溝與大彭

等溝為州西北之五河俱大河衝溢處也縣東又

有盤盆河萬歷二十五年河臣楊一魁議空碭山

之地北導李吉口下濁河南存徐溪口下符離中

存盤盆河下小浮橋三河並存南北相去五十里

任水游蕩以不治治之蓋好為異說而非篤論也

新滙澤 在南郭外以河徙成澤南北二十里東西四

廷卿開新渠十餘不竭占良田無算隆慶中知縣王

里以疏洩之今淤

狐父聚 縣南三十里史記曹參擊秦將司馬尼於碭

有午溝里朱溫生於此也亦作狐父城又縣南

五里舊為河濱衝要縣主簿駐於此又堅城集在

縣西大河北岸西接虞

城縣界舊為大河衝要

附見

徐州衛 在故城內東南隅明吳元年置又徐州左衛

此尋改今名各

領千戶所五

滁州 東至揚州府二百六十里南至和州一百五十里

西至廬州府二百六十里西北至鳳陽府二百二

十里北至鳳陽府泗州二百四十里自州治至

江寧府一百四十五里至京師二千二百里

禹貢揚州之域戰國時屬楚秦為九江郡地兩漢因

之晉屬淮南郡宋置新昌郡晉元帝僑置頓邱郡宋

廢郡為縣元徽元年割置新昌郡齊因之梁置南譙

州東魏因之北齊亦為南譙州治隋廢郡改南譙州

為滁州大業初州廢以其地屬江都郡唐復置滁州

天寶初曰永陽郡乾元初復故宋亦曰滁州元為滁

州路後復為州隸揚州路明初以州治清流縣省入隸鳳陽府洪武十四年直隸京師編戶十領縣二今

仍曰滁州

州山川環遠江淮之間號為勝地蓋北出鍾離則可

以震徐泗西走合肥則可以圖汝潁而南下歷陽東

收六合則建康之肩背舉矣五代周克滁州遂兼淮

南明初克滁州馴致奄有南服豈非已然之明驗哉

清流廢縣今州治本漢全椒縣地東晉末僑置頓邱縣

齊因之梁兼置南譙州治新昌城領新昌高塘臨

滁南梁等郡東魏曰譙州仍治新昌郡隋開皇初

郡廢改州曰滁州縣曰新昌縣十八年又改縣曰

清流大業初州廢縣屬江都郡唐武德三年復為

滁州治後皆因之明初省城邑改州東有子城周

一里唐初築太和三年重修其外為羅城周三里

三百二十步又有關城宋建隆二年築周七里三

百五十步西抵沙河南抵羅城外有壕而四面不

而明初因舊址修築開六門四面

為濠皆加深廣城周九里有奇

南譙城在州西南八十里或曰在全椒縣桑根山之

名齊因之梁又置譙州及南譙郡治山桑蓋取山為

縣界而以此為北譙復別於渦陽之譙謂之南譙

高齊又移州治新昌即今州治云按梁太清二

侯景自壽陽襲譙州進攻歷陽蓋集縣之譙時亦

之名

建陽城州東四十里本秦縣漢屬九江郡後漢省入

置郡治葛城高齊因之隋廢葛城蓋與江浦縣接

界今有西葛城市又高塘城在州北梁置高塘郡

治高塘城領平阿盤塘石城蘭陵等縣屬南譙州

志云今全椒縣北六十里地名高塘卽是城也。塘惟城在州南三十里又南十里有龔家城父蔣家城在州東南五十三里志云三城皆傍湖澤相傳南唐築瓦梁堰以距北師水勢橫溢居民築此城以捍水云

赤湖城

在州西魏收志新昌郡領赤湖荻港薄陽頓邱等縣今州西十五里有赤湖及赤湖橋州北

琅邪山

州南十里晉伐吳俞琅邪王仙出涂中時嘗兩峯間謂之釀泉其餘泉澗溪洞類皆幽勝又山阻險爲城十餘里聚民堅守寇從鴉頭山瞰城中知其虛實乃盡銳攻陷之今故城基曰琅邪山秦○豐山在州西南五里盤亘雄偉出琅邪諸峯之上下有幽谷地形低窪四面皆山又龍蟠山在州南十三里泉石洞壑亦甚奇勝

皇道山

州東二十二里相傳秦始皇嘗經此下有秦西六十里俗呼皇浦山南唐將皇甫暉與周兵戰嘗屯此山也

清流山

州西北二十里亦有清流關山又西北曰山而北有羣山列峙溪澗環錯云又永陽嶺在州北三里唐以此山各郡其前爲落馬澗相傳皇甫暉戰敗墜馬處

滁河

州東南七十里源出廬州府廢梁縣流經全椒縣界與襄水合流至州東南三汊河與清流水會入江寧府六合縣界下流

清流河

在州治西南源出清流山東南流至三汊河出清流山州西北有瓦店河盈福河及來安縣之嘉山河俱流合焉東會於清流河○沙河在州北四里一名江沙澗出來安縣界州西北諸山溪之水多流合焉俗名大沙河至州城東合於清流河

又有小沙河源出州西南三十五里側菱山溢為小澗經州西十里注於石瀨石瀨者有石生於底嗟哉突兀連亘數十丈水流其間縈紆回復每春夏泛漲水石相激澎湃有聲也又東為西澗俗亦名為上河其下流為小沙河

菱溪

州東七里源出永陽嶺經皇道山又東南則環穿城而東出亦合於清流河

在州東南五里源出安縣又

清流關

在州西南二十里南唐置關於此地極險要

暉等自定遠退屯清流關周王命趙匡胤襲之暉

大驚走入滁州欲斷橋自守匡胤引兵出山後暉等

將引兵倍道自蘆子岫出山後

大柳砦

州西北五十里元末州人保聚於此今為大柳砦

里為大柳砦驛又北四十五里達鳳陽府定遠縣

之池河驛又大鎗嶺巡司亦在州西六十里

山寨在州西北二十五里志云州境舊有鄉寨七

日關山該山白禪西城高山黃悅白悅等寨宋置

皇華驛

在故關城內志云關城中有龍興寺南唐臨

熙二年于興廟寺之東建太僕寺及滁陽八監驢驘

等十八羣一統志南京太僕寺在

今州城外西南三里洪武六年建

全椒縣

秦置縣漢因之屬九江郡後漢建武中封馬成

為侯邑晉屬淮南郡蕭齊為嘉平郡屬南譙郡梁改

縣曰北譙置北譙郡後齊改郡為臨滁後周復曰北

阜陵城

縣東南十五里漢縣屬九江郡文帝六年封

後漢因之永平十六年徙淮陽王延為阜陵王建

初元年又改為侯國章和初復阜陵王以阜陵下

濕為徙壽春孫吳黃龍二年使其將孫布詐降以

誘魏揚州刺史王凌權伏兵於阜陵伺之晉志縣

自漢明帝時淪為麻湖咸和初石勒將石聰侵阜

陵三年蘇峻據歷陽將犯建康孔坦請急斷阜陵

說者曰阜陵有麻湖之阻也或曰斷阜陵以脅峻

之後且使祖約不能自壽春連兵而前也宋省梁

天監二年南梁太守馮道根成阜陵魏將黨法宗

等來寇道根擊却之胡氏曰南梁自宋有之未詳

其實土道根以南梁太守成阜陵自是為郡治陳

大建十一年後周將韋孝寬等侵淮南北譙南梁

之民皆自投歸江南是

也後周廢入全椒縣

豐樂城縣西南七十里梁置縣屬北譙郡隋廢志云

遺址尚存又縣北二十五里有北譙城即梁北譙郡治

州治云○襄城在縣西或以為北譙所築也襄水

經其旁

南岡山

縣南二里山勢自西來連亘數十里至此益

其巔下瞰井邑一覽皆盡有泉曰黑龍泉○武山

九關山

在縣東北十里有梁王城志云以梁武得名

因以名其西五里有迷溝相傳羽迷道陷大澤

處也志云今縣南二十里有楚迷溝○花山在縣

西北二十里有神山洞極深廣宋紹興間鄉民多避寇

桑根山

縣西北四十里宋白曰梁大同三年割北徐

根山之西是也或曰故城在山西南二十里新高

村其相接者曰石樓岫志云與桑根山冷水澗相

北獨山 縣西六十里峯巒特起不與眾山相接上有銅官上有銅

井舊嘗出銅又西十里曰銅井山一名銅官上有銅

澹水 在縣南六十里自廬州府流入境南至和州亦

又東北經州境○襄水在縣治北源出縣西北二

十里石曰山東南流合澗谷諸水凡十有六派循

鄧湖 縣西南三十里志云後魏臨澹郡領鄧縣以湖

南十五里居民多引流以溉田旁有蔡

六丈鎮 在縣西南唐置六丈驛於此又有葛城驛志

自滁州而東南六十里至東葛城驛又三十

來安縣 州東北三十五里東江北至泗州天長縣百三十

鳳陽府定遠縣百五十里本清流縣地唐景龍中

置永陽縣屬滁州南唐曰來安宋乾道中降為鎮

趙王城 縣東北二十五里相傳寇亂時有趙王一將

頓邱縣 屯此志云縣東有頓邱城或以為東晉僑置

五湖山 縣東北十八里下有五湖因各山高險控扼

○三山在縣東二十里有西龍山勢頗高峻與六合縣

東龍山 對峙

石固山 縣北三十五里羣山綿亘此山最險峻宋紹

興中居民多避寇其上壘石為城遺址尚存

來安水 在縣西四十里山之西北即野馬嶺山東南流

讀史方輿 卷二十九 江南十一 三五 攷

於清流河○秋浦水在縣西三十里源

湯河

縣東南三十五里縣北山澗諸水並流會焉又

又有常店水俱會縣境諸山谷水

白塔鎮

縣東北五十五里其東南五里有丁城四面

日高塘舊可灌田二百頃今堙○來安鎮在縣東

三十里舊置鎮於此今廢又東五里曰杜家集傍

時黃連山下有大石穴又東十里曰朱家孔與六

附見

滁州衛

在州城內洪武初設守禦千

和州東北至揚州府三百二十里東南渡江至太平府

廬州府二百八十里北至滁州百五十里自州治

至江寧府百三十里至京師二千三百五十里

禹貢揚州之域春秋戰國皆為楚地秦屬九江郡漢

因之亦為揚州治三國吳為重鎮晉屬淮南郡永興初分

置歷陽郡宋永初二年兼置南豫州時謂之西府齊因之

梁初亦為南豫州治天監七年仍為歷陽郡北齊兼

置和州北中天保四年拔歷陽六後周因之隋初郡

廢大業初省改州為歷陽郡唐仍曰和州天寶初又

為歷陽郡乾元初復故五代屬於揚吳後屬南唐周

顯德三年取其地宋仍曰和州亦曰歷陽郡元曰和州路

三年改州為歷陽縣隸廬州府尋復為和州隸直隸京

師編戶四十一里領縣一今仍曰和州

州淮南要衝江表藩蔽渡橫江而出采石濟淝川而

向金陵則長江不為固矣若夫西指昭關而動廬壽

北走涂中而收濠泗則兩淮可以風靡也自昔國於

東南未嘗不以歷陽為襟要而有事江南者張氏栻

所云繇壽陽歷陽來者什之七繇橫江采石渡者三

之二是也是故孫策起歷陽則渡江而有江南曹操

爭江南則相持於東關濡須之間晉平吳使王渾出

歷陽渡橫江蘇峻之亂則據歷陽渡橫江而劫姑孰

石虎掠淮南遊騎徑抵歷陽苻堅自項城河南項城縣來

壽陽則使姚萇為先鋒直趨歷陽也梁侯景以壽陽

叛則并有歷陽遂渡采石隋氏平陳韓擒虎繇廬州

趨壽陽自橫江宵濟矣唐平江南始自歷陽杜伏威為和州

總管計平江南羣盜宋紹興中金人犯含山進逼歷陽葉夢得

曰金人得和州長江不可保矣因趨諸軍拒守及金

亮南侵軍於和州而兩淮為之殘弊開禧中金人南

犯僕散揆奪安豐圍和州屯瓦梁河見六合縣以控真揚

諸州之衝張旗幟於沿江上下江表大震明初亦自

和陽濟江克采石下太平呂氏祉嘗言歷陽建康姑

孰之門戶未有歷陽多故而江東得以安枕者豈不信哉

歷陽廢縣

今州治秦縣也項羽封范增為侯邑漢為

中九江盜池容等屯據歷陽為江淮巨患久之始

平晉屬淮郡入建鄴咸和二年蘇峻以歷陽叛據

陷始孰三祖約自壽春潰奔歷陽遂據之明年

冠軍將軍祖匡允攻拔之宋亦為歷陽郡治大明

七年帝如歷陽承聖初沒於高齊陳大建五年伐

壽陽叛人歷陽承聖初沒於高齊陳大建五年伐

齊使黃法範分道出歷陽敗其援軍歷陽降隋為

和州治大業十二年為杜伏威所據尋入於唐自

是州郡皆以此明初廢城邑攷州城一名亞艾城

相傳范增所築漢高令灌嬰還定江淮又築之謂

之初因舊址增築後漸廢正德七年寇亂增築月城

於各門又開故壕以為備尋復廢壞萬歷初增築

六門重城復濬濠環城於六門之外又為東西二水門以蓄洩城中之水其形勝大抵東南濱江西南遶溪西北環山城周十一里

烏江廢縣

州東北四十里秦烏江亭也漢為東城縣

初陳敏據建鄴征東將軍劉準造揚州刺史劉機

郡宋大明六年帝校獵於烏江是也梁於此置臨

江郡又為臨江郡東魏屬臨滁郡後齊改置齊江

郡陳復曰臨江郡宇文周曰同江郡隋初郡廢縣

屬和州唐因之宋紹興五年廢為烏江鎮七年復

為縣元因之明初省今仍為烏江鎮志云鎮東北

去江浦縣七十里雍邱城在州南本漢陳留郡

屬縣東晉僑置於此宋齊俱屬歷陽郡後周時廢

今裕溪河口有雍家城或以為卽雍邱之譌也明

洪武初置雍家城驛及裕溪河泊所於此宏治

初徙驛於烏江鎮萬歷中改為烏江鎮驛屬南梁

穀孰城在州西北本漢梁園屬縣東晉僑置屬南梁

讀史方輿

卷二十九

江南十一

蕭齊因之

梁末廢

又鄧城在州北漢沛郡屬縣也劉宋元嘉八年倭置鄧縣屬歷陽郡元徽初改屬新昌郡蕭齊又改屬臨江郡梁因之東魏屬臨滁郡後周廢其地與滁州全椒縣接界○過虎城在州西元和志歷陽導築以過石虎晉王

湖

湖白城在州西南宋泰始二年尋陽王子勛舉兵江

口築湖白築二城軍至張興世攻拔之胡氏曰湖白

矣讀書記湖白二城當在柵口濱大江張興世以

錢溪衝要請奇兵潛出濃湖之上率輕舸直前度

圻錢溪諸處見繁昌銅陵二縣

梁山

梁山南六十里巉巖峻拔俯瞰江流與太平府博

山○歷陽山在州西北四十里一名石印山或以

為即吳孫皓時所稱石印封發者悞也今詳見江

西鄰

八公山

在州城北三百步山僅培塿相傳曾有八僊

更名殺狐岡築京觀於其上今廢○蛾眉山

雞籠山

在州西北四十里峰巒連亘雄踞西北上有巨

石寬平約四丈許削立山巔為一州奇勝道

書以為四十二福地宋紹興三十一年金亮駐雞

籠山欲渡采石明太祖初克和陽元人分兵屯戍

於高望新塘青山雞籠山諸處來爭和陽太祖皆

六合山

在州西北六十里山形磅礪四面皆正上有石

潭深不可測名金牛志云山一名如方山

梁武帝嘗登此望六合因各六合山天監初江州

刺史陳伯之謀舉兵詭稱奉齊建安王教師江北

義勇十萬已次六合時蕭寶寅奔魏也六合即六

合山矣○陰陵山在州北八十里小山多石俗以

卷二十九 江南十一 三 文

馳下潰圍

烏石山

州西北六十里兩山相峙路經其中山石多

如金城為一方扼塞中有夾山關志云州東北五

十里為者樂山一名北山亭秀出其相近者曰北

熙二年桓元餘黨桓石虔等聚眾胡桃山為寇豫

橫江

州東南二十五里甲由江南采石渡處自昔濟江

阿迫逐丹陽太守吳景景退屯歷陽繇遣將樊能

仲堪舉兵荆州前鋒桓元為東所破晉隆安二年殷

至橫江元與初桓元自江陵東下豫州刺史譙王

尚之遣楊秋屯橫江秋叛降元宋元嘉二十七年

魏主燾入寇自彭城南下使其將魯秀出廣陵拓

跋那出山陽拓跋仁出橫江所至殘滅宋遣劉遵

考等將兵守橫江以備之齊東昏侯永元二年豫

州刺史裴叔業問蕭衍以自安之計衍曰若意外

相逼當勒馬步二萬直出橫江以斷其後天下事

一舉可定也隋開皇八年韓擒虎平陳亦自橫江

宵濟蓋建康姑洗皆以橫江為噤吮亦曰橫江浦

江濱有毓麟堂宋紹興三十一年金亮入和州臨

江築臺誓師渡江晨炊玉麟堂玉麟即毓麟之譌

也江防攷大江入州境上接無為州下接應天府

凡一百一十里與太平府中流分界江流自西南

遶而東北故昔稱和州為江守實皆大江夾岸

津要甚多隨地立名分途為州守實皆大江也

江州西南百五十里與無為州分中流為界即濡

西營即此地矣梁末齊將蕭軌出柵口向梁山陳

霸先黃叢擊却之陳天嘉初王琳伐陳軍於柵

宋南渡後於此置柵口寨明初趙德勝破陳友諒

時江北之地盡沒於周因遣將軍徐道奴鎮柵口

次而東關春水稍長陳琳引齊人合肥巢湖之軍相

口時東關春水稍長陳琳引齊人合肥巢湖之軍相

西營即此地矣梁末齊將蕭軌出柵口向梁山陳

霸先黃叢擊却之陳天嘉初王琳伐陳軍於柵

江州西南百五十里與無為州分中流為界即濡

津要甚多隨地立名分途為州守實皆大江也

也江防攷大江入州境上接無為州下接應天府

凡一百一十里與太平府中流分界江流自西南

遶而東北故昔稱和州為江守實皆大江夾岸

州刺史裴叔業問蕭衍以自安之計衍曰若意外

相逼當勒馬步二萬直出橫江以斷其後天下事

一舉可定也隋開皇八年韓擒虎平陳亦自橫江

宵濟蓋建康姑洗皆以橫江為噤吮亦曰橫江浦

江濱有毓麟堂宋紹興三十一年金亮入和州臨

江築臺誓師渡江晨炊玉麟堂玉麟即毓麟之譌

也江防攷大江入州境上接無為州下接應天府

凡一百一十里與太平府中流分界江流自西南

遶而東北故昔稱和州為江守實皆大江夾岸

州刺史裴叔業問蕭衍以自安之計衍曰若意外

相逼當勒馬步二萬直出橫江以斷其後天下事

一舉可定也隋開皇八年韓擒虎平陳亦自橫江

宵濟蓋建康姑洗皆以橫江為噤吮亦曰橫江浦

江濱有毓麟堂宋紹興三十一年金亮入和州臨

江築臺誓師渡江晨炊玉麟堂玉麟即毓麟之譌

也江防攷大江入州境上接無為州下接應天府

繁昌縣

當利浦

州東南十二里一名沙口堰亦大江之別浦也後漢興平初劉繇遣其將張英屯當利浦

以拒吳景明年孫策擊老之晉咸和二年蘇峻以

歷陽叛孔坦即急斷阜陵守江西當利浦是也

袁宇詔當利浦名揚浦晉王濬平吳揚帆順流而

下王渾招之不止報云風利不得泊也因改名當

利按後漢已有當利浦之名則非晉改矣阜陵見滌

洞浦

在州西南臨江亦曰洞口曹丕黃初三年伐吳

該攻歷陽元軍斷洞浦焚豫州舟艦州刺史譙

尚之帥步卒九千陳於浦上軍潰而還洞浦蓋亦

江浦之別名矣今理

麻湖

州西三十里周圍七十里舊稱巨浸一作淞湖

宋白云歷陽縣南有歷水縣因以名即此湖矣宋

建炎三年金人破和州軍士多潰圍四出保麻湖

水砦明初高祖嘗困於此永樂初湖水涸議堰為

田凡得三萬一千二百餘畝景泰二年田始成然

地平行水難洩時有潦溢之患○澧湖在州西十

五里昔時受麻湖水至當利浦港入江永樂初議

置田一萬七千五百餘畝利病與麻湖同

後河州北七十里出廬州府接境之黃山經含山縣

滁河矣明嘉靖五年議改從州北分水嶺入江即

讀史方輿

卷二十九

江南十一

三

文

石跋河

在州東北三十里石跋鎮繇大江支流匯州
四十里宋開禧中周虎嘗築石跋城於浮沙口北
今廢又芝蔴河在州東北四十里又東北十里曰
穴子河皆通大江○姥不河在州西南三十里姥
下鎮源自麻湖東南流入大江宋會要乾道二年
從和州守臣言鑿姥下河東接大江防捍敵人簡
制盜賊又太陽河在州南二十里源亦出瀝湖流
入大江

牛屯河

州南四十里與江東牛渚磯相對江面約五
十里志云孫策攻劉繇牛渚營晉譙王尚之
破庾楷於牛渚皆此地也其源出巢湖從銅城關
入大江今有牛屯河巡司置於州南六十五里南
至裕溪巡司二十里東接江浦縣之江淮巡司
七十里又八十里源出巢湖自無為州流入境南
裕溪河州南九十里初元將蠻子海牙帥舟師截采石
窺太平不能陷退屯於此既而太祖命康茂才戍
守裕溪是也今有裕溪鎮置巡司於此上至無為

州輿龍河巡司九十里通釋裕溪在無為歷

白石水

在州南水經注水出白石山西南流注於湖
水晉咸康五年石虎遣將寇荆揚北鄣朱保
敗晉兵於白石海西公未桓溫謀廢立自廣陵將
還始孰屯於白石隆安三年殷仲堪以荆州叛前
鋒桓元大破官軍於白石進至橫江白石山
蓋在柵江橫江間也今含山縣有白石山

韋游溝

在廢烏江縣東南二里引江水至鄧下十五
里廢田五百頃唐開元中邑丞韋丑所開貞
元十六年令游重彥復治之民享其利
以姓各溝亦曰韋游溝復接江浦縣界

楊林渡

在州東二十五里紀勝云郡人春遊自城南
橫江門出至楊林江口凡三十五里皆種柳
號為萬柳堤即楊林渡也亦曰楊柳河宋紹興三
十一年虞允文敗金人於采石知必復至乃部分
諸將分海舟楫上流別遣舟師截金人於楊林河
口敵至夾擊大敗之嘉定十一年金人犯淮南自
濠州趨和州之石磧一時真揚諸州皆被寇遊騎

至采石楊林渡建康大震通釋和州東二十里有

西采石其下為楊林渡石積或曰在州西北三十里○車家渡在廢烏江縣東南宋志烏江縣界車家渡可徑衝建康之馬家渡其相近又有安陽渡與上元縣對岸志云渡在故烏江縣東南十八里又新河渡在州南二十里志云

千秋澗

今為江浦所割去城纔十里許
臣請於千秋澗置斗門以防麻湖澄湖之水
澗入大江歲旱可藉為溉田之利從之亦曰千秋
壩明初耿再成襲和陽不克元兵追至千秋壩即
此○香淋泉在州北三十五里其水温相傳梁昭
明嘗浴此因名太子湯亦曰平疴泉宋治平中名
其地曰平疴鎮

銅城堰

州西南六十里周回百里溉田三千頃皆膏
腴賦入當本州什之三志云銅城開河在舍
山縣南銅城鄉之六都受天河黃洛河支流東至
開口分流為牛屯河其南一支為三叉河每江湖
水泛牛屯河隘下易洩輒衝溢田畝吳赤烏中築
堰設閘以捍水患遇旱則積澇則啟遂成膏腴

其後以時修築明初太祖率巢湖舟師出湖口至
銅城閘已脫敵險而元兵猶塞馬塲河口以阻諸

兵太祖設策敗之乃盡督諸兵出潯陽橋入大江
洪武初知州李相復修堰閘以杜江水之暴溢民
獲其利溥陽橋在州西四

石湖關

在州西北宋紹興中元末犯境張俊以兵五
千守石湖關元末遁去又石湖寨亦置於此
今廢○斗嶺關在州西北四十里其地有斗嶺山
亦曰陡陽山魏然峻絕一徑中開明初取和陽遣
張天祐等將奇兵出陡陽關進薄小西門遂克之
即此又白塔關在州西四十里又西五里有舍山
關

夾山關

州北五十五里有夾山舖兩山壁立聳峭夾
道山口崎嶇與滁州接界為南北咽喉明正
德中巨寇劉六等犯境州同知薛渭野壘石置寨
於此以控守要害今寨廢而石垣尚存亦名渭野
關○歲豐鎮在州西四十里
又州北七十里有青陽鎮

楊荷橋

舊志云在州東南二十里晉咸寧六年王渾江圍渾部將張喬于楊荷橋以眾降進與晉將周浚戰於版橋喬自後擊悌悌敗死版橋在楊荷北也或曰今州北四十里行

祁門驛

州西四十里舊志云洪武十五年設祁門馬驛於此宏治五年遷入含山縣西門內萬歷中裁又當利馬驛舊在州南二十里洪武十五年設初各新河口驛十六年改曰當利徙置於城南

含山縣

州西六十里西南至無為州百二十里西至無陽縣地東晉僑置龍亢縣屬歷陽郡宋齊及梁因之後周大象初省唐武德六年復改置含山縣八年廢長安四年復置武壽縣神龍初仍改曰含山屬和州宋因之舊無城明正德七年新築周三里編戶十七里

龍亢城

縣南四十里本漢沛郡屬縣東晉復置於此城晉大元中苻堅侵晉以姚萇為先鋒晉築城於此禦之今清溪東有土城數十丈其外十餘里有姚萇村即故晉王城矣或曰縣西四十里界首舖有小山形勢稍峻城當置於此

大峴山

縣東北十三里一名照關稍西曰城山兩山屹峙為廬濠往來衝要俱見前名山峴山

含山

縣西二十里山勢雄峻衆山列峙勢若吞含唐因以各縣。褒禪山在縣北十五里舊名華山又北三里曰華陽山亦各巖陵山俱有泉洞之勝又牛頭山在縣北三十里山產煤明正德中居民采以爲業

梅山

縣東南五里山多梅樹俗傳曹操行軍指梅林近者曰龍角山白兩峰尖聳因各。桑山在縣西南二十里麻湖之源出於此山多野桑因各或曰

秦始皇設倉於此亦名倉山又議為蒼山山勢峻拔延袤十餘里中有龍池南宋時有雙山寨居民保聚於此又蒼山之謠也

石門山

縣南二十里兩山夾峙石壁削立如門有谷道十里商旅皆往來其中龍洞山在縣西南五十里洞深濶泉流不竭下流為魯橋澗通銅城開入於江又太湖山在縣南七十里舊有湖歲久湮廢山奇峰十餘削立秀挺狀如列戟又南十里曰白石山巖河頗勝洞天記山周回七十里為第二十一洞天唐天寶六載更各禱應山山蓋與無為州接界白石水出焉水經注白石山水西經李鵲城西南注柵水

濡須山

縣西南七十五里與巢縣七寶山對峙濡須水出其間即東關口也詳見前重險東關。肥巢縣接界一各金庭山詳見廬州府黃山

濡須水

縣西南七十里自巢湖東流經亞父山出東關口為淝子口河又東南經黃洛河運漕河

過海裕口午柵江口汙於大江一名天河志云縣南八十里有新裕港港口昔有孝婦居此因各新婦港後謫為新裕流合濡須同為柵江故柵口亦兼新婦口之名亞父山見巢縣居巢城注

三义河

縣南八十里其水西通巢湖東通大江北通河運漕河運經此又銅城關別流南出漚為一河東合裕溪河入於大江黃洛河亦自巢縣流入境又運漕河志云在縣南八十里梁敬帝初齊人謀侵建康運糧於此今縣南九十里有運漕鎮以河名也

縣河

縣南一里一名觀音橋河縣西北諸山澗之水會流至城西二里合清江斷澗其流始大可以通舟又東至和州新河口入大江議者欲鑿此河上通巢湖以漑田通商或又以河通則縣且為江湖之衝遂不果。清溪河在縣西三十里清溪鎮受縣西南諸山澗水西流經巢縣亞父山入天河

繇裕溪入大江

馬跑泉

縣北十五里即昭關泉絲縣西清江斷澗入

跡云宋紹興夫張浚於昭關築

東關

縣西南七十里瀟湘須塢之北與無為州巢縣接

險重

昭關

縣北十里小岫山西崎嶇險仄拒守於此可以

巍然峻絕中開

徑

尉子橋

縣北四十八里宋紹興三十一年金亮南侵

亦以姚興戰敗名也○界首驛在縣西四十里明

練固

在縣北晉元興三年桓元兄子歆引兵帥楊秋

氏曰練固在歷陽西北○斗米逕在縣西南八十

通運率部下人齎斗米就役米盡逕成因名紀勝
云時子建欲於東關下開溝通黃港陂運糧入歷
湖以濟軍食也

附見

瀋陽右衛

在州治東洪武十九年始置邗州衛二十

千戶

所五

廣德州

東至浙江湖州府一百六十里南至湖州府安

江寧府溧陽縣百五十里西至寧國府二百二十里北至

至江寧府五百里至京師三千里

禹貢揚州之域春秋時吳地後屬越戰國時屬楚秦

屬鄣郡漢為丹陽郡地後漢因之晉屬宣城郡宋齊

仍舊梁末置大梁郡

治石

陳改為陳留郡隋郡廢以

讀史方輿

卷二十九 江南十一

其地屬湖州大業初改屬宣城郡唐武德四年置桃
 州七年州廢仍屬宣州南唐屬昇州宋太平興國中
 復屬宣州尋置廣德軍元曰廣德路明初改為廣德
 府洪武四年降為州十三年以州治廣陽縣省入戶
 百二十七里直隸京師領縣一今仍曰廣德州
 州山谷盤紆襟帶吳越春秋時楚人嘗與吳爭逐於
 此所謂桐汭之地也自後東南有事州嘗為控扼之
 所宋梁乾化三年淮南遣軍屯廣德將攻衣錦軍吳
 越錢傅瓘攻拔之宋建炎三年兀朮自建康道溧水
 趨廣德繇四安陷獨松關遂入臨安德祐初伯顏入

建康遣阿剌罕分道出廣德會師臨安卒以亡宋明
 初下金陵遂命將下廣德取長興蓋不特內固吾圉
 又可乘敵之釁使以為迂僻而置之謬矣

廣陽廢縣

今州治春秋時地名桐汭左傳哀十五年

楚子西子期伐吳及桐汭是也漢為故鄣

縣地屬丹陽郡後漢中平二年析置廣德縣仍屬

丹陽郡晉屬宣城郡咸和中桓彝為宣城縣劉宋因

峻作亂自宣城退屯廣德尋又進屯廣德縣屬焉

之齊時嘗為郡治梁未改置大梁郡廣德縣屬焉

陳屬陳畱郡隋省廣德入石封尋改石封為緩安
 縣唐於緩安置桃州又增置桐城懷德二縣為州尋
 廢又并二縣入緩安至德二載改緩安曰廣德以
 賈德故城名也朱梁乾化三年吳越攻拔廣德既
 而淮南復有其地南唐為廣德制置司宋為廣德
 軍治元為廣德路治明初改縣曰廣陽洪武十三
 年縣省城邑攷州舊無城宋淳祐六年郡守趙希
 仁僅建六門設子城於內明初命元帥邵榮等築

城浚池後復領壞宏治正德以來

石封廢縣

在州治東梁置縣為大梁郡治隋改口綏

縣治而後漢所置廣德縣在今州西界唐時故城

猶存今湮○故鄆城在州東北九十里入湖州府

橫山

州西五里高出羣山四望皆橫岳武穆嘗駐兵

於此明初亦嘗駐蹕焉山西南隅有祠祠漢神

張勃唐天寶中封此山為祠山巔有聖井四時不

竹山

州南十五里疊嶂層巒回環拱揖松竹泉石蔚

然巨觀其並峙者曰方山山勢盤紆山口有兩

峰對峙若二柱然○笄山在州南二十里一名鷄

籠山俗曰鷄單山中峰最高左右兩峯並列蔚然

乾溪山

州東南三十里峯巒疊出卓立天外一溪遠

有階級可升又石齒齒山在州東南五十里昔時巔

有巨石如鼓其相近者曰石婦山眾山環遶其中

巖頭山

州西北四十里兩山屹立如關中夾一溪州

巨潦藉此以障湍流奔突於此而入建平縣界每遇

北七十里橫列五峯高三百餘丈其相近者曰長

靈山

州南七十里泉石為州之冠其山水合流而北

亦在州南七十里衆峰環遶一峯如筆清泉白石

最為佳勝又南八十里曰桃花山亦曰桐源山一名

白石山桐水發源於此○桃花山在州東南六十

金牛嶺

州東北七十里四面皆重山中一峯長百十馮家洞如夏屋四亦在州東北七十馮家洞相傳與太湖相通亦曰大洞

桐水

州西北二十五里亦曰桐州桐汭之名因此源城縣界為白石山亦曰流經建平縣界又西入宣或謂之白石水杜氏曰白溪匯於丹陽湖入大江為泛溢

鯉洪溪

州東南二十里流出石鼓山分二流復匯於城南滙諸山澗之水灌田二萬餘畝又橫梗溪在入於桐川大源溪在州西百里自寧國府界大

東亭湖

在州東南三十里廣五百餘畝一名浴兵池又餘丹陽湖蕪湖達於江周三里古塘在州之十三

六安鎮

元末自廣德經此陷獨松關又杭村鎮在州北七十里有巡司又州西八十里有陳

鍾村

在州境宋建炎二年元木渡江而南寇廣德岳村即此嚴公臺在州西唐大順二年賊帥孫儒攻楊行密於宣州屯廣德行密將陶雅破儒前鋒屯嚴公

建平縣

州西北九十里西至寧國府百三十里東北至州寧府溧陽縣百十里本廣德縣地宋端拱初

諸葛城

縣西二十里中間有井數十蓋昔人屯駐之地又有浮城在縣西十里惟此巋然若浮因名

讀史方輿卷二十九江南十一

鎮山

縣南五里邑之案山也又縣西南七里曰赤山麓枕大溪○伍牙山在縣東北四十里與溧陽縣接界今詳溧陽縣

大巖山

縣南七十里巖石崔嵬峯巒層出上有池巖特出頂有三石如品字因名又鴉山在縣南九十里周回三十餘里產茶山接寧國縣界

峽子嶺

縣南八十里與宣城縣接界

桐川


在縣西南自州境流入合於南嶠湖又大源溪亦在縣南自州境流入界於南嶠湖○郎溪在縣治南郎步鎮以此名下流合於桐川志云縣東南有白石澗上接桐川下達郎溪

南嶠湖

在縣西南十里承桐川下流接寧國府界流入丹陽湖俗謂之南湖○青陂塘在縣東周里縣西又有五丈塘周十五里信武塘廣亦十五里俱有灌溉之利

梅渚鎮

在縣西三十里有梅渚巡司又縣南四十里有陳村巡司



讀史方輿紀要卷二十九終

